



ЗАЈЕДНИЦА ИЗДАВАЧА/НАКЛАДНИКА
У БОСНИ И ХЕРЦЕГОВИНИ
COMMUNITY OF PUBLISHERS
OF BOSNIA AND HERZEGOVINA

Branilaca Sarajeva 24, 71000 Sarajevo; E-mail: zajednica.izdavacabih@gmail.com

Broj: 01-32/20
Datum: 19. 11. 2020. godine.

BOSNA I HERCEGOVINA
MINISTARSTVO PRAVDE BiH
TRG BiH 1
71 000 SARAJEVO

БОСНА И ХЕРЦЕГОВИНА
МИНИСТАРСТВО ПРАВДЕ
САРАЈЕВО

ПРИМЉЕНО:			
Организациона јединица	Класификациона ознака	Датум број	Број прилога
		19-11-2020	

P r e d m e t: Izvještaj o radu 2019. i plan rada 2020.

Poštovani,

U prilogu vam dostavljamo:

1. Izvještaj o radu za 2019. godinu.
2. Finansijski izvještaj za 2019. godinu.
3. Plan rada za 2020. godinu.
4. Godišnji obračun za 2019. godinu.

Očekujući vaše razumijevanje za naknadno dostavljanje izvještaja srdačno vas pozdravljamo.

Muamer Spahić
Predsjednik Zajednica izdavaca/nakladnika u Bosni i Hercegovini





31. 1. 2020.

Broj: 01 - 1 /20

Skupština Zajednica izdavača/nakladnika Bosne i Hercegovine

Izveštaj o radu za 2019. godinu

I Uvod

Zajednica izdavača/nakladnika Bosne i Hercegovine trenutno okuplja 10 profesionalnih bosanskohercegovačkih izdavača/nakladnika. Ambicija Zajednice je da okupi i druge profesionalne izdavače iz BiH koji se u jednom dužem vremenskom periodu bave objavljivanjem estetski vrijednih i društveno korisnih knjiga. ZI/NBIH osnovana je s ciljem vraćanja digniteta bh. izdavaštvu i osiguranja boljih uvjeta za razvoj izdavaštva, podizanja svijesti o važnosti knjige i čitanja za razvoj cjelokupnog društva. Važan prioritet u radu jeste uspostava i očuvanje visokih profesionalnih izdavačkih standarda. Zajednica u svom radu promovira ostvarenje pune slobode izdavaštva, poštovanje autorskih prava, ostvarenje prava autora i izdavača u stvaranju i distribuciji vlastitih djela u potpunoj slobodi.

Zajednica izdavača/nakladnika Bosne i Hercegovine članica je IPA (International Publishers Association), a uspostavljane saradnje sa sličnim organizacijama iz regiona s ciljem osiguranja ravnopravnog statusa bh. knjige i autora na jezički bliskom području.

2019. bila je formalno-pravno druga godina rada Zajednice izdavača/nakladnika BiH.

II ORGANIZACIONA STRUKTURA

Organi Zajednice su: Skupština, Upravni odbor i Predsjednik zajednice. Skupštinu čini 10 članova: IKD University press, IK Vrijeme Zenica, IK Connectum, Synopsis doo, Buybook doo, Dobra knjiga doo, Malik books doo, Naklada Mate doo Neum, Hrvatski leksikografski institute i Imprimatur Banja Luka.

III PROGRAMSKE AKTIVNOSTI

A) sajmovi

Glavnina aktivnosti Zajednica izdavača i nakladnika u BiH u protekloj godini bile su koncentrirane na organiziranje sajma izdavaštva (KUN) i gostovanje na sajmovima u zemlji i regionu.

KUN

I ove godine u periodu od 25. do 29. XI u saradnji sa BKC-om Sarajevo ZI/NBIH organizirala je KUN – Sajam izdavaštva (treći por redu). Svim članovima zajednice obezbjeđeno je potpuno besplatno sudjelovanje na KUNU, što je ove godine uključivalo i opremu dva štanda. Gosti ovogodišnjeg KUN-a bili su izdavači iz Srbije, odnosno Udruženje profesionalnih izdavača Srbije (UPIS), za koje je također obezbjeđen besplatan nastup na KUN-u. U okviru KUN-a organiziran je veliki broj programa samih članova ZI/NBIH, ali i značajan broj programa (gostovanja i radionica) koje je organizirala Zajednica. Posebno važan program i ove godine bio je onaj namijenjen edukaciji samih izdavača, a s ciljem podizanja profesionalnih standarda izdavaštva ("Od teksta do knjige"). Predavači su bili eminentni profesori, urednici i drugi stručnjaci iz oblasti izdavaštva, savremenih medija i marketinga. Pored uobičajenih efekata publiciteta (gostovanje, press, prilozi u printanim i elektronskim medijima...), ZI/NBIH finansirala je i klasičnu marketinšku kampanju KUN-a na društvenim mrežama i bilbordima. U saradnji sa dnevnim listom Oslobođenje objavljen je poseban dodatak - KUN, koji je u cjelosti bio posvećen našem sajmu KUN.

Sajam knjiga u Banja Luci

ZI/NBIH prvi put je sudjelovala na 24. Međunarodnom sajmu knjiga u Banja Luci, koji je održan od 10. do 16. septembra 2019. godine. Zajednica je i za ovaj sajam svojim članovima obezbjedila potpuno besplatan zajednički štand i pokrila troškove osoblja koje je radilo na štandu i pripremalo nastup. Gostovanje Zajednice bilo je u cjelini veoma zapaženo, a sve reakcije govore da bi gostovanje na sajmu u Banja Luci trebalo postati redovna praksa.

Sajam knjiga u Podgorici

Članovi ZI/NBIH su od 1. do 5. oktobra sudjelovali na 5. Internacionalnom sajmu knjig u Podgorici. Gostovanje je organizirano na poziv Podgoričkog sajma, koji je članovima ZI/NBIH platio troškove boravka, zakupa i opreme štanda.

Sajam knjiga u Beogradu

ZI/NBIH sudjelovala je na Međunarodnom sajmu knjiga u Beogradu od 20. do 27. oktobra 2019. godine. Bio je to drugi nastup ZI/NBIH, koji je organiziran u saradnji sa partnerom "Apostrof" Beograd. Članovi ZI/NBIH imali su obezbjeđen zajednički besplatan štand, a ZI/NBIH je platila, troškove osoblja i druge troškove. Sredstva za nastupe na sajmovima u regionu obezbjeđena su kao namjenska sredstva Fondacije za izdavaštvo i Ministarstva kulture Kantona Sarajevo.

Sajam knjiga u Zagrebu

ZI/NBIH sudjelovala je i na Međunarodnom sajmu knjiga Interliber u Zagrebu, koji je održan od 12. do 17. 11. 2019. godine. Nastup je realiziran u partnerstvu i uz tehničku i organizacionu potporu IK Synopsis Sarajevo/Zagreb. ZI/NBIH je pokrila troškove zakupa, opremanja štanda i marketinške troškove.